



Javno preduzeće
ELEKTROPRIVREDA BOSNE I HERCEGOVINE
 d.d. - Sarajevo

Sarajevo, 15-07-2026

02-22064-1/26

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22, 50/24), člana 95. Statuta Javnog preduzeća Elektroprivreda BiH d.d. - Sarajevo (broj SD-5211/16-38/2. od 29.03.2016. godine) i člana 10. stav (4). Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – prečišćeni tekst broj 06-8661-1/2023 od 10.03.2023. godine i Odluke o izmjeni i dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: U-01-40623-1/23-18/34 od 14.11.2023. godine, Izvršni direktor za proizvodnju donosi:

ODLUKU

o izboru najpovoljnijeg ponuđača u Otvorenom postupku javne nabavke 2000046188 (broj sa portala javnih nabavki 1405-1-1-108-3-228/26) - Nabavka razne prehrambene robe.

Član 1.

Najpovoljniji ponuđač za nabavku **razne prehrambene robe**, za potrebe TE Tuzla, Tuzla, izabran na osnovu provedenog Otvorenog postupka javne nabavke broj 2000046188 pokrenutog po Obavještenju o nabavci broj 1405-1-1-108-3-228/26 objavljenog na „Portal javnih nabavki” dana 22.05.2026. godine je:

„REDEX“ d.o.o. Banovići

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku javne nabavke, te Odluku objavi na internetskoj stranici JP Elektroprivreda BiH d.d. - Sarajevo (www.elektroprivreda.ba).

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenata iz člana 45. stav 2) pod a), b), c) i d).

Obrazloženje

U predmetnom postupku javne nabavke ponude su blagovremeno dostavili sljedeći ponuđači:

1. „BOSNA -KOM“ d.o.o. Gračanica.....sa cijenom 59.997,00 KM bez PDV-a
2. „LALA I LAČO“ d.o.o. Bijeljina.....sa cijenom 59.872,00 KM bez PDV-a
3. „REDEX“ d.o.o. Banovići.....sa cijenom 56.349,15 KM bez PDV-a

Zapisnik sa otvaranja ponuda po Otvorenom postupku broj 2000046188 od 12.06.2026. godine dostavljen je učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14, 59/22, 50/24) i podzakonskim aktima.

Komisija za javne nabavke imenovana Odlukom direktora broj 02-55-2-5767-1/2026 od 14.05.2026. godine, izvršila je otvaranje, pregled i evaluaciju pristiglih ponuda i utvrdila da svi ponuđači zadovoljavaju eliminatorne kriterije zahtijevane tenderskom dokumentacijom, te su učestvovali u daljoj fazi postupka javne nabavke i to za planirano provođenje „e-aukcije“.

Početna rang lista ponuđača koji su pozvani da učestvuju u e-aukciji („kriterij najniža cijena“)

Naziv ponuđača i sjedište	Iznos ponude	Osvojena pozicija
„REDEX“ d.o.o. Banovići	56.349,15 KM	1.
„LALA I LAĆO“ d.o.o. Bijeljina	59.872,00 KM	2.
„BOSNA -KOM“ d.o.o. Gračanica	59.997,00 KM	3.

Ugovorni organ je nakon unosa svih prihvatljivih ponuda u sistem „e-Nabavke“ izvršio zakazivanje, to jest odredio početak i dužinu trajanja e-aukcije za dan 19.06.2026. godine u 09:00 sati sa dužinom trajanja od 10 minuta. „E-aukcija“ je uspješno okončana u 10:02 sati, te je formirana nova konačna rang lista ponuđača.

Konačna rang lista ponuđača nakon provedene „e-aukcije“ prema kriteriju za vrednovanje ponuda „**najniža cijena**“ - tabelarni pregled, počev od najuspješnije ka najmanje uspješnoj je slijedeća:

Naziv ponuđača i sjedište	Iznos ponude	Osvojena pozicija
„REDEX“ d.o.o. Banovići	48.499,00 KM	1.
„BOSNA -KOM“ d.o.o. Gračanica	48.500,00 KM	2.
„LALA I LAĆO“ d.o.o. Bijeljina	59.272,00 KM	3.

Na osnovu kriterija „najniža cijena“, ponuda ponuđača „REDEX“ d.o.o. Banovići je najpovoljnija sa ukupnom cijenom ponude u iznosu od **48.499,00 KM bez PDV-a** na paritetu DDP TE „Tuzla“, te je nakon izvršene ukupne ocjene ponuda, osvojila prvu (1) poziciju po predmetnom javnom nadmetanju.

Sa odabranim ponuđačem će se zaključiti okvirni sporazum na period od 12 (dvanaest) mjeseci. Obzirom na prednje izneseno, donesena je odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. -Sarajevo, Podružnica Termoelektrana „Tuzla“, Tuzla, u roku od deset (10) dana od dana prijema ove Odluke.

Dostaviti:

- Ponuđačima
- 52
- a/a

Izvršni direktor za proizvodnju
Fahrudin Tanović

